

СЛУЖБА ПРЕПОДОБНОЙ МАРФЕ ДИВЕЕВСКОЙ

(3 СЕНТЯБРЯ Н.СТ.)

НА ВЕЛИЦЕЙ ВЕЧЕРНИ:

На Господи, воззвах: стихиры праздника, глас 1.

Подобен: О, дивное чудо:

**О, дивное чудо!* Источник Жизни* во гробе полагается,*
и лестница к Небеси гроб бывает.* Веселися, Гефсимание,*
Богородичен святой дом.* Возопиём, вернии,* Гавриила
имуща чиноначальника:* Благодатная, радуйся,* с Тобою
Господь,** подавай миру Тобою велию милость.**

**Дивны Твоя тайны, Богородице:* Вышняго престол*
явилася еси, Владычице,* и от земли к Небеси преставилася
еси днесь.* Глава Твоя боголепная,* богоподобными сияющи
чудеса.* Девы с Материю Царевою,* на высоту
вознеситесь.* Благодатная, радуйся,* с Тобою Господь,**
подавай миру Тобою велию милость.**

**Твое славят успение* Власти и Престоли,* Начала и
Господства,* Силы и Херувими и страшнии Серафими,*
радуются земнороднии,* о Божественней Твоей славе
красящиеся,* припадают людие со Архангелы и Ангелы и
воспевают:* Благодатная, радуйся,* с Тобою Господь,**
подавай миру Тобою велию милость.**

Ины стихиры святыя, глас тойже:

**Дивны Твоя тайны, Богородице:* явила бо еси в Дивееве
последний Твой удел во вселенней,* дарования всех жребиев
Твоих имущий* и благодать Святаго Духа Божия,*
обогадившийся мощми преподобных Александры, Елены с
нимиже и Марфы,* одесную Тебе предстоящей:* приведеся
бо вслед Тебе искренняя Твоя послушница* и введется в
храм небесный,* ныне же Всемилостивому Спасу тепле
молится** даровати миру велию милость.**

Глас 5:

Преподобная Марфо всехвальная,* любовь имела еси, совершение добродетелей,* чиста была еси, кротка и непорочна,* Царствие Божие внутрь себе стяжавши,* сотаиннице избранная преподобного Герафима,* наставлениям старца последовала еси верно,* иже ты отеческою любовию объемля,* тайны о славе обители возвещал еси,* яже хранила еси усердно** с нимже молися спастися всем нам.

О святая дивная отроковице,* измлада Господа возлюбившая* и Ему усердно послужившая,* юная собеседнице и любимая послушнице* преподобного Герафима, старца Гаровскаго,* начальницею Небеснаго Дивеева им нареченная,* непрестанную молитву Иисусову стяжавшая* и великия схи́мы от Господа удостоившаяся,* ныне в мощех почиваеши* и исцеления всем источаеши* верою и любовию к тебе притекающим,* мы же усердно молим тя:** помяни нас у Престола Божия.

Глас 8:

Преподобная мати наша Марфо,* Жениха Христа издетска возжелевшая,* любви свещу уготовала еси светло,* благодатию Святаго Духа блистающися.* Ныне Престолу Божию предстоиши,* на земли духом любви с нами пребываеши,* имеющи велие дерзновение ко Господу,* молися от бед избавитися** любовию тя величающим.

Преподобная мати наша Марфо!* Еще ти сущу отроковице,* всею душею Бога возлюбила еси,* присно в молитве пребывающи непрестанной,* разум же богосвещен стяжавши,* сердце твое тщательно хранила еси,* и, яко крин благоухай,* чистотою светло сияеши,* тем и Чистыя Девы явилася еси служительница,** молися о любовию ты воспевающих.

Глава, глас 1:

Светися, обитель Божия Матере, и веселися:* ныне воистину священный и радостный наста праздник:* непорочную невесту Христову Марфу* венчаем песенными цветы.* Небеса убо достойно да веселятся,* земля же да радуется,* инокини же, ея молитвами хранимы, ликуют:* спасает бо от напастей нечаемых* и подает благодать исцелений** совершающим ея светозарную память.

И ныне, праздника, глас 6:

Придите, всемирное ушение* Всенепорочная Богородицы празднуем:* днесь бо ангели торжествуют* честное преставление Божия Матере* и к веселию нас, земных, призывают* вопити немолчным гласом:* радуйся, преставльшаяся от земли и к Небесным обителем пресельшаяся.* Радуйся, Яже ученический лик облаком легким во едино собравшая.* Радуйся, упование и спасение наше,** Тя бо христианский род непрестанно ублажает.

Вход. Прокимен дне.

Премудрости Соломоновы чтение (Глава 3):

Праведных души в руке Божией,* и не прикоснется их муча.* Непщевани быша во очесех безумных умерети,* и вменися озлобление исход их.* И еже от нас шествие а сокращение;* они же суть в мире.* Ибо пред лицом человеческим аще и мучу примут,* упование их безсмертия исполнено.* И в мале наказани бывше,* великими благодетельствовани будут,* яко Бог искуси я,* и обрете их достойны себе.* Яко злато в горниле, искуси их* и, яко всеплодие жертвенное, прият я.* И во время посещения их возсияют* и, яко искры, по стеблю потекут.* Судят языком и обладают людьми,* и воцарится Господь в них во веки.* Надеющийся на Нь разумеют истину* и вернии в любви пребудут Ему:* яко благодать и милость в преподобных Его** и посещение во избранных Его

Премудрости Голомоновы чтение (главы 5 и 6):

Праведницы во веки живут,* и в Господе мзда их: и попечение их у Вышняго.* Сего ради примут царствие благолепия, и венец доброты от руки Господни,* зане десницею покрывает я и мышцею защитит их.* Примет всеоружие рвенне свое,* и вооружит тварь в месть врагом.* Облечется в броня правды* и возложит шлем суд а нелицемерен.* Примет щит непобедимый а преподобие,* поострит же напрасный гнев во оружие,* споборет же с ним мир на безумныя.* Пойдут праволучныя стрелы молниины* и, яко от благокругла лука облаков, на намерение полетят.* И от каменометныя ярости исполнь падут грады.* Вознегодует на них вода морская,* реки же потопят я нагло.* Сопротив станет им дух силы* и, яко вихорь, развеет их,* и опустошит всю землю беззаконие,* и злодейство превратит престолы сильных.* Слышите убо, царие, и разумеите,* навикните, судии концов земли.* Внушите, держащии множества и гордящися о народах язык,* яко дана есть от Господа держава вам,** и сила от Вышняго.

Премудрости Голомоновы чтение (глава 4):

Праведник аще постигнет скончатися, в покои будет.* Старость бо честна не многолетна,* ниже в числе лет исчисляется.* Седина же есть мудрость человеком,* и возраст старости а житие нескверное.* Благоугоден Божови быв, возлюблен бысть,* и живой посреде грешник преставлен бысть.* Восхищен бысть, да не злоба изменит разума его* или лость прельстит душу его.* Рачение бо злобы помрачает добрая,* и парение похоти пременяет ум незлобив.* Скончався в мале, исполни лета долга:* угодна бо бе Господеву душа его,* сего ради потщася от среды лукавствия.* Люди же видевше и не разумеюще,* ниже положше в помышлении таковое,* яко благодать и милость в преподобных Его** и посещение во избранных Его.

На литии стихира, глас 6:

Днесь созывается к веселию вся Нижегородская земля* и обитель Дивеевская торжествует:* наста бо память Марфы преподобная,* во цвете юности избравшей тесную стезю.* Любвию Христовою возгоревшись,* Небесным Берафимам уподобися отроковица чудная.* Ныне приносим ей похвальная,* не песньми священными токмо славяще,* но и житию подражати усердно желаяще* и славу Богу воздающе** за таковую теплую молитвенницу о душах наших.

На стиховне стихиры, глас 2:

Чистоту от юности потщалася еси сохранить,* добродетельми светло, Марфо, украшенная,* и любовь божественною распалаема,* Христу добре угодила еси,* темже молися в единении с Богом быти* и любви между собою** память твою верою почитающим.

Стих: Дивен Бог во святых Своих,** Бог Израилев.

Дивная отроковице,* житие твое а монашествующих украшение:* ты бо имя Христово присно в сердце имела еси,* и силою Божественнаго Духа* совершенное безстрастие стяжала еси,* в подвизах неутомимая даже до смерти,** матери наша Марфо преславная.

Стих: Честна пред Господем** смерть преподобных Его.

Торжествуй, Земле Русская,* в прославлении новыя о тебе молитвенницы,* веселися и ты, обитель Дивеевская,* имущи в себе сокровище многоценное:* честныя мощи Марфы досточудныя.* К нейже мы притекаем и тепле просим:* сохрани обитель и страну нашу от всякия напасти** и молися, о еже спастися всем нам.

Глава, глас 5:

Яко звезда многосветлая,* небо церковное украсила еси,* сиянии духовными просветивши вселенную,* тьму скорбей разгоняючи* и недуги врачующи,* преподобная мати наша Марфо,* темже молися ко Господу* мир мирови даровати** и душам нашим велию милость.

И ныне, праздника, глас 8:

Девичестии лица* днесь тайно одру Девы и Матере окрест предстоят,* и, души праведных обступивше, Царицу славят.* Ови убо яко дар девство вместо мира приносят,* ови же невещественное пение с добродетелию приносят:* подобает бо Матери Божией яко Царице* царскими добродетельми светлосияющими дориноситися.* С нимиже и мы, житие чистое совнесше,* изыдем к погребению сущия Матере Бога нашего,* пеньми и песньми духовными** согласно Ю ублажающе.

Тропарь святыя, глас 2:

Равноангельное житие стяжавшая, дивная отроковице* и собеседнице преподобнаго Серафима,* госпоже и мати наша Марфо,* ныне в мощех почиваеши* и у Престола Божия предстоиши,* моли о нас Милостиваго Бога,** Небеснаго Дивеева начальнице.

НА УТРЕНИ

По 1-м стихословии, седален, глас 7:

Возсиявши, яко звезда утренняя,* яко светлое солнце, память честная преподобныя Марфы:* просвещает жителствующия на месте сем* и согревает монашествующих сердца к подражанию жития ея постническаго,** к ревности о вере Христовой.

Слава и ныне праздника, седален, глас 4:

Велением Зиждителя Твоего, Рождшагося из Тебе,* облак собора апостолы Твое видети преставление.* Темже и

со славою и многим веселием погребѣша,** воспевающе
пречистое тело Твоего блаженства, Мати Христа Бога.

По 2-м стихословии седален, глас 1:

Осияема ныне непрестанною славою Пресвятыя Троицы,
мати наша Марфо,* и Божественнаго веселія и радости
исполнена,* тепле молися у Престола Пресвятыя Троицы**
избавитися нам муки вечныя.

Слава и ныне праздника, седален, глас 4:

Апостольский лик, рассеянный по земли, собрався в
Сионѣ,* да предпослет от земли Богородицѣ к Вышнему,
Егоже роди.* Силы Небесныя премирныя предтечаху, вкупе и
ликоваху, духовне зовуще:* веселитесь, Небеса, приемше
Божію Матерь,** Иже владычествует видимыми и
невидимыми.

Величание:

Ублажаем тя, преподобная мати наша Марфо,* и чтим
святую память твою,** ты бо молиши о нас Христа Бога
нашего.

По полиелеи седален, глас 1:

Невеста прекрасная Чертога Царскаго,* преподобная
Марфо,* в послушании, воздержании и молитве* в обители
нашей просиявшая* и Начальницею Небеснаго Дивеева
Богородицею избранная,** молися прилежно о спасении душ
наших.

Слава, и ныне: седален праздника, глас 4:

Возопий, Давиде, что сей праздник,* егоже воспел еси
древле в книзе псаломстей?* Яко Дщерь Богоотроковицѣ и
Девѣ, преложі Ю на оны обители Христос,* Иже из Нея без
семене рождься.* И сего ради радуются матери и дщери, и
невесты Христовы, вопиюще:** радуйся, Преставившаяся к
Вышнему Царствию.

Прокимен, глас 4: Дивен Бог во святых Своих, Бог Израилев.**

Стих: В церквах благословите Бога, Господа от источник израилевых. Всякое дыхание. Евангелие: от Матфея, зачало 104.

По 50 псалме стихира, глас 6:

Марфо богоносная,* послушание и безмолвие от юности возлюбившая,* чадо возлюбленное преподобного Серафима,* просиявшая в молитве и посте,* крест скорбей, болезней и трудов даже до смерти понесшая* Христа ради Жениха Небесного,* венцы многими от Него украшенная, молися о чтущих святую память твою.**

К А Н О Н праздника и святой, глас 8.

Песнь 1

Ирмос: Колесницегонителя фараона погрузи,* чудотвори иногда* Моисейский жезл, крестообразно поразив,* и разделив море* Израиля же беглеца пешеходца спасе,** песнь Богови воспевающая.

Боже всех, дар словесе подаждь ми, Твоему рабѹ,* ныне начинающему хвалити песньми в четвертом ѹделе Божия Матере* просиявшую отроковицѹ дивнѹю, преподобнѹю мать нашу Марфѹ.**

Преподобнѹю Марфѹ песньми почтим,* благословение Пресвятыя Девы исполнившѹю,* велия бо есть ѹгодница Божия, наша теплая предстательница и молитвенница непрестанная о спасении дѹш наших.**

Праведно есть восхвалити преподобнѹю Марфѹ,* отроковицѹ непорочнѹю, в подвизах древним отцам равночестнѹю и Небеснаго Дивеева начальницѹ.**

Богородичен: Радѹйся, Пресвятая Госпоже, освятившая Дивеево Твоим пришествием,* радѹйся, насадившая верѹ

истинную,** радуйся, собравшая монашествующих
множество.

Песнь 3

Ирмос: Небеснаго круга Верхотворче Господи,* и
Церкве Зиждителю,* Ты мене утверди в любви Твоей*
желаний краю, верных утверждение** Едине Человеколюбче.*

Великое смотрение Божие от утробы матери ты
освяти* и сосуд показа благоприятен Святаго Духа,** темже
от младенства присно была Божиею Материю ограждаема.

Вкоренившееся в души твоей желание* неизреченная
красоты Христовы стяжавши:* радостно с сестрою
Параскевою к старцу Герафиму** в дальнюю пустынку
потекла еси.

Преподобный Герафим мужество души твоея провидя,*
в Дивеевскую общину отроковицу ты, тринадцати лет
сущую,** жительствовать направи.

Богородичен: Радуйся, во удел Себе Дивеево
избравшая,* радуйся, Заступницею места сего быти
изволившая;* радуйся, верным, пребывающим zde,
Подательнице земных благ;** радуйся, Споручнице вечнаго
их спасения.

Кондак и икос праздника

Глава, седален, глас 2:

Вся временная мира сего презревши,* Небеснаго
возжелела еси.* Молчанием, кротостию и смирением от
юности твоея образ равноангельнаго жития явила еси,*
Небеснаго Дивеева начальнице,** преподобная мати наша
Марфо.

И ныне, праздника:

Всечестный лик премудрых апостол собрася чудно*
погребсти славно тело Твое пречистое, Богородице
Всепетая.* С нимиже воспеша и ангел множество,
преставление Твое честно хваляще,** еже верою празднуем.

Песнь 4

Ирмос: Ты моя крепость, Господи, Ты моя и сила,* Ты
мой Бог, Ты мое радование,* не оставль недра Отца* и нашу
нищету посетив.* Тем с пророком Аввакумом зову ти:**
слава силе Твоей, Человеколюбче.*

Царствие Божие внутри тебе сущее* измлада познала
еси* и житие твое краткое подвиги суровыми украсила еси,**
любовию к Жениху Небесному горящи.

Стопами Богоотроковицы Марии шествовала еси,* и
служение Марфы и Марии соединяла еси:* яко Марфа, в
послушании пребывши,** и, яко Мария, выну при ногу
Иисусову приседящи.

Пищею молитву непрестанную имущи,* в кротости
небесней и молчании во обители пожила еси,* Марфо
всехвальная,** чадо возлюбленное преподобнаго Серафима.

Бога возлюбивши от всея души, преподобная,* в
целомудрии и подвизах сестер всех превзошла еси,** в
молитве непрестанной дух ко Господу возносящи.

Богородичен: Радуйся, теплая Ходатанце о живущих в
Четвертом Жребии Твоем;* радуйся, милость Сына Твоего
до скончания века месту сему обещавшая;** радуйся,
Радосте и спасение душ наших.

Песнь 5

Ирмос: Вскую мя отринул еси от лица Твоего, Свете
Незаходимый,* и покрыла мя есть чуждая тьма, окаяннаго,*
но обрати мя и к свету заповедей Твоих** пути моя
направи, молюся.*

Спасительным именем Иисусовым поучалася еси присно,* ведуще Единого Христа и Его распята,* ум свой просвещаючи Божественным Светом,* сердце же услаждаючи умилением и радостью,** юже молитвами твоими и нам подавай, тя поминающим.

Песнь сугубую приношу твоему терпению и кротости, мати Марфо,** како смирялася еси, болезни и скорби иноческаго жития мужески претерпевающи.

Совеседнице и любимая послушнице преподобнаго Герафима, Марфа юная,* изрядно во обители потрудилася еси и в молчании выну пребывала еси,** тайны будущия славы обители Дивеевския сохраняючи.

Богородичен: Радуйся, Дево, яко благословением Твоим осени Дивеево сила Вышняго;* радуйся, яко обитель Твоя наполнишася подвижающимися;** радуйся, яко просия zde множество преподобных, молящихся о спасении душ наших.

Песнь 6

Ирмос: Очисти мя, Спасе, многа бо беззакония моя,* и из глубины зол возведи, молюся;* к Тебе бо возопих, и услыши мя,** Боже спасения моего.*

Труды постническими и медом безстрастия наслаждалася еси,* скрываючи себе мирскаго жития в общине преподобных Александры,** и ея подвигом ревнующи.

Безплотную во плоти видеша ты сестры твоя,** во отрочестве паче стариц духовно просиявшую.

Многоразличныя подвиги во обители Дивеевской совершивши,* сими от земли воспарила еси во Обители Небесныя,* яко золотая голубица,** идеже помяни и нас, тя восхваляющих.

Богородичен: Радуйся, яко на наследие Твое присно призираеши;* радуйся, яко благодати и милости Своея

сподобляєши нас;** радуйся, благословеніє Сына Твоего на нас низводящая.

Кондак, глас 8:

Небесною кротостию, молчаніем и неземною радостию исполнилася еси,* юная и невиданная доселе в Дивееве отроковице,* преподобная мати наша Марфо,* в великую схиму от преподобнаго Герафима облеченная,* темже водворилася еси с мудрыми девами в Небесном чертозе** и со Ангелы Всецарю непрестанно предстоиши.

Икос:

Вся силы небесныя радостно прияша душу твою, преподобная мати Марфо,* и вознесоша ю во Обители Небесныя, идеже ныне почиваєши близ Пресвятыя Троицы,* начальницею Небеснаго Дивеева нареченная и велие дерзновение у Господа уличившая,* не забывай о нас, земных чадах твоих,** и поминай нас у Престола Божия.

Песнь 7

Ирмос: Отроцы єврейстии в пещи попраша пламень дерзновенно,* и на росу огонь преложиша, вопиюще:** благословен еси Господи Боже во веки.*

Дивно долготерпение твое, о мати Марфо,* ибо велия скорби и болезни, яко дар Божий, воспріяла еси.* Укрепи нас молитвами твоими,* в малодушии изнемогающих,** скорби пути узкаго претерпети, имже внидем в живот вечный.

Жениха, прити хотяща в полунощи, ожидала еси:* не давши еси сна очима твоима,* молитву Иисусову непрестанно творила еси,** тем и сопричиталася еси мудрым девам.

Духовне зряще твое в чины Херувимов и Герафимов устремление,* преподобный отец наш Герафим в великий

ангельский образ тя, отроковицу Марию, облече** и нарече схимонахиню Марфою.

Богородичен: Радуйся, всяких даров рабом Твоим Всещедрая Подательнице;* радуйся, во брани, в болезнях и трудах их премилосердая Утешительнице;** радуйся, надеждо и спасение душ наших.

Песнь 8

Ирмос: Бедмерицею пещь* халдейский мучитель* Богочестивым неистовно разжже,* силою же лучшею спасены, сия видеи,* Творцу и Избавителю вопияше:* отроцы, благословите,* священницы, воспойте,** людие, превозносите во вся веки.

От ревности святей силы телесныя даже до смерти истощила еси,* камень за камнем в построение храма Божия полагаящи,** и тако душу святую в руке Божии предала еси в трудах и молитве непрестанной.

Плакаше преподобный Герафим, кончину блаженныя Марфы духом предугадывый,** дондеже душу ея узре в Царствии Небеснем близ Святыя Троицы.

Царица Небесе и земли по отшествии твоём, прияша ты, мати Марфо,* в лик святых дев, Ёю возлюбленных** и Ёй у Престола Божия сопредстоящих.

Богородичен: Радуйся, Хранительнице наша в настоящем веке;* радуйся, Предстательнице и непостыдное упование в будущем;** радуйся, прилог всякаго зла от жребия Своего последнего отражающая.

Песнь 9

Ирмос: Ужасеся о сем Небо,* и земли удивишася концы,* яко Бог явился человеком плотски* и чрево Твое бысть пространнейшее Небес.* Тем Тя, Богородицу,** Ангелов и человек чиноначалия величают.

Преподобная мати наша Марфо, Царицы Небесныя послушнице истинная,* начала тьмы пособием Ея победивши,* плоть умертвивши и дух ожививши,* благодати приявшая Божественное действо,** не престай молящися за ны ко Господу.

Победила еси тьмочисленная коварства врага, стезею тесною шествовавши,* и Подвигоположнику Господу угодила еси,* от Негоже венец приемши,** и чудес источник стяжала еси, светлое воздаяние.

Божественная рака мощей твоих благоухает паче иных аромат,* чувства всех и сердца улаждаючи, преподобная,** притекающих в храм Рождества Пречистыя Богородицы.

Юже ти раболепно принесох, окаянный, песнь прими, преблаженная мати,* и воздаждь свыше благодать, недугов избавляючи и искушений,* и вегда судити ми ся, представши, избави мучения,** собеседнице Ангелов.

Богородичен: Песни благодарственные вси мы, в обители сей святой живущии, приносим Ти, Мати Божия:* яко спасаеши нас присно от всякаго обстояния,* питаеши, устрояеши и о нас промышляеши,* Темже молим Тя:** по кончине сподоби нас Божественнаго Царствия.

Светилен.

Радуйся, Дивеевская обитель славная,* молитвенницу имущи, просиявшую в тебе,* преподобную мати Марфу,* вкупе с преподобными Александрою и Еленою** молящуюся прилежно избавитися нам муки вечныя.

Глава, и ныне, праздника.

На хвалитех

Стихиры праздника, глас 4.

В славном успении Твоем* Небеса радуются,* и ангельская возрадовашася воинства,* вся же земля

веселится, песнь Тебе исходную провозглашаючи,* Матери
всеми Владычествующаго,* Неискусобрачная Пресвятая
Дева,** Яже род человеческий избавляша прародительного
осуждения.

От конец стекошася апостолов лучшии,* богоначальным
мановением, погребсти Тя,* и от земли вземлему Тя к
высоте зряще,* глас Гавриил радостию вопияху Тебе:*
радуйся, Носило Божества всего.* Радуйся, Единая, земная с
Вышними** Рождеством Твоим совокупляша.

Яже живот рождаша,* к жизни преминала еси,* честным
успением Твоим, безсмертней,* доприносящим Тя Ангелом,
Началом и Силам,* апостолом и пророком и всей твари,*
приемшу же нетленными дланьми Сыну Твоему* непорочную
душу Твою,** Дева Мати Богоневесто.

Стихиры преподобныя Марфы, глас 5.

Радуйся, Небеснаго Дивеева начальнице,* преподобная
мати наша Марфо,* яко небо светлыми звездами
украшаемо,* житие твое многими подвиги исполнено:* в
юных летех духовною крепостию утвердилася еси* и от
Господа великия схи́мы удостоилася еси.* Помози и нам
неленостно во спасение трудитися* и единому Богу
послужити,* Егоже моли даровати душам нашим** мир и
велию милость.

Радуйся, дивная и несравненная отроковице,* яко крин
любвию Божественною процветшая,* выну возносила еси
свой горящий дух ко Господу,* юным сердцем возлюбивши
Жениха Небеснаго.* Радуйся, преподобнаго Серафима
сотаннице,* любительнице безмолвия и целомудрия,* лику
мудрых дев сочетавшаяся* и Христу уневестившаяся
светло.* Испроси притекающим к раце твоей цельбоносней*
печалей утление, болезней исцеление,* благодать в
подвизех любви и смиреннаго ближним служения,** и душам
нашим мир и велию милость.

Радуйся, преподобная мати наша Марфо,* начальнице Дивеева Небеснаго,* в бдениих и молитвах неутомимая,* лоза плодovitа во младых летах явилася еси,* показавши, яко вистину возраст старости а житие нескверное.* Радуйся, кончиною благою житие твое скончавшая,* и ныне со ангелы огнезračному Престолу Божию предстоящая,* молися ко Господу даровати душам нашим** мир и велию милость.

Глава, глас 8.

О преславнаго чудесе!* О новаго начинания!* Небесная Игумения обители прославляется,* и ангелы, Богоневесто, удивляет Твоих таин глубина:* Дивеево, Тобою возлюбленное, николиже оставляеши*, и по кончине преподобная Марфы* явилася еси с нею во храме во свете несказанном,** и приемлещи ея молитвы, яко Милостивая.

И ныне, праздника, глас 6:

На безсмертное Твое усение,* Богородице, Мати Живота,* облацы апостолы по воздуху восхиташу,* и, по миру разсеянные,* во едином лице предсташа пресвятому Твоему телу,* еже и погребше честно,* глас Тебе Гавриил поюще, вопияху:* радуйся, Благодатная Дево,* Мати Безвестная, Господь с Тобою.* С нимиже, яко Сына Твоего и Бога нашего моли** спастися душам нашим.

НА ЛИТУРГИИ

Блаженны праздника песнь 7 на 4, прп. Марфы песнь 3 на 4. Прокимен, глас 4: Дивен Бог во святых Своих, Бог Израилев.

Стих: В церквах благословите Бога, Господа от источник Израилевых. Апостол к Галатам, зач. 208. Аллилуиа, глас 1: Терпя потерпех Господа, и внят ми и услыша молитву мою. Евангелие Матфеа зач. 104. Причастен: В память вечную будет праведник:

Молитва

О богомудрая и дивная отроковице, сосуде благодати Божия, в простоте голубиной пожившая, кротостию небесною, чистотою и послушанием просиявшая, сотаиннице преподобнаго Серафима, Небеснаго Дивеева начальнице, госпоже и матери наша Марфо! Буди любящим и чтущим тя ходатаица спасения, в страхе Божии нас утверди, да горняя мудрствуем, а не земная, изнемогающая силы наша на бодрость премени, в любви и единомыслии укрепи, и помяни нас, грешных, у Престола Божия во Царствии Небесном.